

四庫全書

史部

欽定四庫全書

大事記續編卷四十四

明 王禕 撰

陳高祖武帝陳霸先永定元年
周孝明皇帝宇文毓元年

後梁中宗皇帝大定三年
齊文宣皇帝天保八年

春正月辛丑魏周公覺自稱天王廢其主為宋公柱國

宇文護為大司馬

以呂祖謙
標目修

二月庚午梁蕭勃及前郢

州刺史歐陽頎反遣將軍周文育討之

以呂祖謙
標目修

丁亥

周宇文護殺大冢宰趙貴免太保獨孤信

以呂祖謙
標目修

癸

巳梁周文育擒歐陽頎蕭勃尋伏誅

以呂祖謙
標目修

周宇文護

弒宋公謚曰恭皇帝

以呂祖謙
標目修

三月甲辰梁以司空王

琳為湘郢二州刺史

以呂祖謙
標目修

巳酉周宇文護殺柱國

獨孤信

以周
紀修

夏四月巳卯梁鑄四柱錢丙申禁細錢

以
本

紀修

解題曰洪遵泉志四柱錢面文上下有四柱左右有

五銖二字

齊斛律金為右丞相尚書今常山王演為司空錄尚書

事長廣王湛為尚書令

以通
鑑修

梁以歐陽頎為衡州刺史

平嶺南

以呂祖謙
標目修

五月梁王琳將攻陳霸先六月戊寅

遣開府侯安都及周文育討之

以呂祖謙
標目修

秋八月丁卯

周歸故梁主繹之柩於王琳

以通鑑
修

甲午梁陳霸先自為

太傅加黃鉞殊禮九月辛丑自為相國封陳公備九錫

以本紀及呂
祖謙標目修

周宇文護廢其主覺為洛陽公迎立岐州

刺史寧都公毓甲子即天王位殺柱國大將軍李遠

以呂

祖謙標
目修

解題曰按周史列傳晉公護廢愍帝召羣臣議之戶

部中大夫薛端頗有同異護不悅出為蔡州刺史餘

見通鑑

冬十月戊辰陳公霸先自進王爵己亥即皇帝位改元

廢梁主為江陰王

以呂祖謙
標目修

解題曰詔曰禮陳杞宋詩詠二客弗臣之重歷代所

敦其奉梁主為江陰王餘見通鑑

呂祖謙曰振鷺之
詩曰振鷺于飛于

彼西雖我容戾止亦有斯容味其辭意其是二王之
後來儀止可觀初不見有可疑可疑可疾者又曰在彼無
惡在此無戮庶幾夙夜以永終譽蓋聖人動皆天理
奉行天討是以無惡無戮庶幾終譽念念不忘後世

如魏晉南北朝疑忌前代之子孫視之若蛇虺虎狼然必欲戕殺剪截俾無遺育此皆小見淺慮汨以私忿而不能動之以天故耳

周弒畧陽公

以通鑑修

陳以給事黃門侍郎蔡景歷為秘書

監兼中書通事舍人政事皆由中書省置二十一局以

當尚書諸曹

以呂祖謙標目修

解題曰通典魏晉重中書之官居喉舌之任則尚書

之職稍以疎遠至梁陳舉國機要悉在中書獻納之

任又歸門下尚書但聽命受事而已事見通鑑

庚辰陳主設無遮大會親膜拜

以通鑑修

解題曰膜拜出穆天子傳如今之禮拜一曰胡禮拜

也

辛巳陳主追尊考妣為帝后立夫人章氏為皇后

以本紀修

梁王琳大敗侯安都周文育擒之琳屯郢城遣將據江

州

以呂祖謙標目修

是歲齊於長城內築重城

以齊紀修

陳高祖武皇帝永定二年

後梁中宗皇帝大定四年齊文宣皇帝天保九年

春正月梁王琳屯白水浦乞師於齊

以通鑑修

解題曰今江州東有白水港

陳以歐陽顏都督交廣等州軍事廣州刺史

以呂祖謙
標目修

周宇文護自為太師

以周
紀修

二月齊北豫州刺史司馬消

難奔周

以通
鑑修

齊納梁永嘉王莊於王琳琳奉莊即梁帝

位改元天啓

以呂祖謙
標目修

解題曰齊之納蕭莊也猶淵明之故也僧辯死而淵

明卒王琳敗而莊逃矣事見通鑑宋庠紀年通譜天

啓本元法僧年號

夏四月乙丑陳弒江陰王追謚曰敬皇帝

以呂祖謙
標目修

五

月辛丑齊長廣王湛錄尚書事甲辰以前左僕射楊愔

為尚書令

以齊
紀修

六月乙丑齊主北巡立大都督府與尚

書省分治衆務

以呂祖謙
標目修

秋八月侯安都周文育復歸

于陳

以通
鑑修

梁王琳還湘州

以通
鑑修

冬十一月齊滅祿廩

以呂

祖謙標
目修

十二月齊殺永安王浚上黨王渙

以齊
紀修

後梁取

長沙武陵南平郡

以呂祖謙
標目修

解題曰按隋地理志澧陽郡孱陵縣舊置南平郡

陳高祖武帝永定三年
周孝明皇帝武成元年

後梁中宗皇帝大定五年
齊文宣皇帝天保十年

春正月己酉周宇文護歸政

以周紀修周改都督軍事為總

管

以呂祖謙
標目修

解題曰通典有大都督都督隋並以為散官煬帝改

大都督為校尉帥都督為旅帥都督為隊正則都督

之名微矣

夏閏四月戊子周更定新歷

以周紀通鑑修

齊殺右僕射高德

政

以呂祖謙
標目修

五月丙辰朔日有食之

以陳紀及通鑑目錄修

齊主

殺元氏七百餘人

以北齊紀修

陳豫章內史熊曇朗殺周文

育于軍

以本紀修

六月丙午陳主殂召臨川王椿於南皖甲

寅即皇帝位秋七月丙辰尊皇后為皇太后辛酉以司

空侯瑱為太尉侯安都為司空

以陳紀修

解題曰胡寅曰陳高祖雖享國日淺其過舉亦少所

可恨者無宰相也自古聖人為天下亦必求賢為輔

相以助已宰相又廣求人材布之内外然後治道可

立豈可役其耳目運其心思以當萬幾之衆獨委共

事五六武夫而能開物成務者哉豈世衰道微無名
世之士可為時用耶抑高祖不知古今不能求而致
之也

八月周稱皇帝改元

以呂祖謙
標目修

九月辛酉陳立子伯宗

為太子乙亥立妃沈氏為皇后

以陳紀呂祖
謙標目修

冬十月甲

午齊主殂于晉陽太子殷即皇帝位

以呂祖謙
標目修

解題曰王通曰甚矣齊文宣之虐也姚義曰何以克
終子曰有陽遵彥者實掌國命視民如傷奚為不終

梁王琳屯濡須口齊師援之十一月陳遣侯瑱侯安都

禦之以陳紀修齊以斛律金為左丞相常山王演為太傅長

廣王湛為太尉以通鑑修

陳世祖文帝陳僖天嘉元年

後梁中宗皇帝大定六年

周孝明皇帝武成二年

齊肅宗孝昭皇帝高演皇建元年

春正月癸丑朔陳改元以陳紀修齊改元乾明以齊紀修二月丙

申陳侯瑱敗梁王琳于梁山敗齊兵于博望琳及其主

皆奔齊以呂祖謙標目及本紀修

解題曰博望在太平當塗縣顧野王輿地志云博望

梁山東西隔江相對如門

己亥齊常山王演為太師錄尚書事長廣王湛為大司

馬并省錄尚書事

以齊紀修

乙巳陳以侯瑱都督湘巴等州

軍事鎮湓城

本紀

齊常山王演殺楊愔等以中書令趙彥

深總機務戊申演自為大丞相都督中外諸軍錄尚書

事長廣王湛為太傅京畿大都督

以齊紀修

周襲梁郢州弗

克三月郢州降陳

以通鑑陳紀修

陳江州刺史周迪攻熊曇朗

殺之

以呂祖謙標目修

陳高祖世子昌自周來歸丙子殺之江

中

以呂祖謙
標目修

陳聘周

以通鑑修

夏四月辛丑周宇文護弒其

主壬寅魯公邕即皇帝位

以周紀修

六月壬辰陳葬梁元帝

于江寧

以本紀修

八月壬午齊常山王演廢其主為濟南王

自即皇帝位於晉陽改元戊子以長廣王湛為右丞相

以齊紀修

九月周將賀若敦獨孤盛攻陳冬十月侯瑱襲敗

盛於楊葉州

以本紀修

解題曰曹大宗郡國志楊葉州在岳州巴陵縣今在

潭州湘陰縣

十一月辛亥齊主立妃元氏為皇后子百年為太子以齊

紀修

十二月己亥陳取周巴陵獨孤盛遁

以呂祖謙標目修

齊屯

田

以呂祖謙標目修

陳世祖文皇帝天嘉二年

後梁中宗皇帝大定七年

周高祖武皇帝宇文邕保定元年

齊世祖武成帝高湛大寧元年

春正月戊申周改元大冢宰宇文護自為都督中外軍

事

以周紀修

解題曰紀年通譜保定其取詩天保定爾之義乎

辛未陳取周湘州

以陳紀通鑑修

賀若敦遁陳取周武陵天門

南平義陽等郡

以通鑑修

解題曰按隋志澧陽郡安鄉縣舊義陽郡

二月周以小司徒韋孝寬為勳州刺史守玉壁

以呂祖謙標目

修

解題曰按通典河南自洛陽之東之北河東自平陽

之界屬齊全盛戰爭之際則玉壁邵郡齊子嶺

魏地理志

邵郡屬東雍州領縣四葦平有玉屋山王屋縣

召公之邑東二十里齊子嶺周齊文境處通典邵郡

今絳州恒縣

通洛防

故函關城在新安縣東

黃櫨三城

洛州永寧縣西北通典後

周黃櫨同執永昌三城以備齊宜陽郡陝州土剗長水郡西北二十五里三荊

三鵝鎮

汝州魯山縣西南平高城通典鄧州向城縣北百重山即第一又北分嶺山北即第二第

三入魯山縣界置兵以備東軍

三月丙寅周改八丁兵為十二丁兵以周紀修

解題曰薛季宣曰劉曜河上之役戎卒二十八萬五

千自以為畏威而來居三之二其調民可見石虎五

丁取三四丁取二凡士五人車一乘牛一頭米各十

五斛絹十匹又括民馬四萬餘匹百姓窮窟鬻妻子

以供軍須蓋合鄴中兵常五十餘萬州郡造甲者稱是船夫十有七萬不與焉慕容氏精覈隱漏戶畱一丁欲滿一百五十萬雖以劉貴極諫復用三五後燕畧有齊岱步兵七十餘萬車一萬七千乘鐵騎五萬三千大抵諸胡之兵空國而作敗亡之禍特不相遠王猛用秦而十丁一兵之制猶見於身後宇文泰造周其子猶能改八丁兵為十二丁兵民庶幾其有瘳乎

夏四月丙子朔日有食之

以周紀修

六月乙酉周聘陳

以周紀修

七月周更鑄當五錢與五銖並行

以周紀修

九月齊弒濟南

王

以朱熹綱目修

冬十月甲戌朔日有食之

以周紀修

十一月甲辰齊

主殂長廣王湛至自鄴癸丑即皇帝位改元

以呂祖謙標目修

周聘陳陳報之

以通鑑修

齊主廢太子百年為樂陵王

以齊紀修

十二月陳賦鹽權酤

以呂祖謙標目修

解題曰葉適曰梁陳之間窮匱極矣至此方斂及鹽

酒是公家尚有遺利未取不如後世雖無事之時已

竭而無繼也事見通鑑

陳遣侯安都討縉州刺史留異于東陽

以本紀修

解題曰縉州今處州之縉雲縣

陳世祖文帝天嘉三年

後梁世宗皇帝蕭歸天保元年

周武皇帝保定二年

齊武成帝河清元年

春二月乙亥齊主至鄴丙戌立妃胡氏為皇后子緯為太子丁未以領軍大將軍平秦王歸彥為太宰冀州刺

史

以齊紀修

解題曰按長歷齊置閏於往年十二月故正月辛未

朔周置閏於今年正月陳置閏於今年二月故二月
辛未朔乙亥本齊正月若因其本紀舊文則歷法龐
雜姑從陳正改作二月

閏二月齊以參軍和士開為侍中

以呂祖謙標
目及列傳修

解題曰士開說世祖云自古帝王盡為灰燼堯舜桀
紂竟復何異陛下宜及少壯恣意作樂縱橫行之即
是一日快活敵十年國事分付大臣何慮不辦無為
自勤苦也世祖大悅餘見通鑑

葉適曰李斯趙高用此詐二世與士開智愚有異其
詞意皆不約而同也

齊始聘陳

以通鑑修

甲子陳改鑄五銖錢

以陳紀修

後梁主殂太

子歸即位改元

以呂祖謙標目修

三月丙子陳安成王頊自周

來歸

以本紀通鑑修

陳詔周迪鎮湓城不至丁丑遣將討之

以本

以本紀通鑑修陳留異敗奔閩州刺史陳寶應

以呂祖謙標目修

夏四月辛

丑齊皇太后殂

以通鑑修

齊改元

以齊紀修

秋七月齊冀州刺史

平秦王歸彥反伏誅

以呂祖謙標目修

陳聘齊

以通鑑修

九月戊辰

朔日有食之

紀修周

冬十月戊戌陳詔減省用度

以通鑑修

陳世祖文帝天嘉四年
周武皇帝保定三年

後梁世宗皇帝天保二年
齊武成帝河清二年

春正月甲申陳周迪衆潰奔陳寶應

以呂祖謙
標目修

二月庚

子周頌大律

以周紀修

解題曰朱黼曰周齊繼魏之後以暴虐為常今年周

頒律曰杖鞭徒流殺凡五則自輕而之重明年齊頒

律曰死流徒鞭杖亦五則自重而之輕度其討論固

未嘗不稽之書禮也朴作教刑庠序之用也鞭作官

刑施之胥吏也五刑有服五服三就五流有宅五宅
三居其重輕遠近之差如此周條狼所掌有屋殺輶
鞭墨屋刑者或以為三夫之誅鄭玄曰此罄于甸人
之事是矣車輶之說以為車裂秦用之梟首秦法漢
用孰謂周人忍開其端哉師旅之誓言詳于魯費御右
之不供命嚴于夏甘今誓言車右以殺誓言御以車輶何
也刑不上大夫太史掌邦之典冊而竟殺之至小史
則墨高下隆殺俱不可考是豈周公成王之法哉今

周齊死刑有磔有轘有梟蓋取諸此是殆未深考古之過也事見通鑑

三月乙丑朔日有食之

以周紀修

齊築軹闕城

以齊紀修

夏四月

周主養老於太學

以周紀修

六月陳殺司空侯安都

以呂祖謙標目

修秋七月周主如原州

以後周紀修

九月壬戌陳歐陽頠卒

以其子紇為廣州刺史

以呂祖謙標日修

周主自原州如同州

以後周紀修

周迪入東興嶺陳討之

以本紀修

解題曰東興嶺在建昌新城縣北三十里舊撫州東

興縣

戊子周及突厥伐齊齊主禦之

以呂祖謙
標目修

冬十一月辛

酉周迪敗走十二月討陳寶應

本紀

十二月周主還長安

通鑑

陳世祖文皇帝天嘉五年
周武皇帝保定四年

後梁世宗皇帝天保三年
齊武成帝河清三年

春正月庚申朔齊并州刺史段韶大敗周師于晉陽突

厥遁

以呂祖謙
標目修

二月庚寅朔日有食之

以周
紀修

三月辛酉

齊頒律令

以本
紀修

齊制租調立義租

以通
鑑修

解題曰按通典令男子率以十八受田輸租調二十

充兵六十免力役六十六退田免租調一夫受露田

八十畝婦人四十畝奴婢依良人丁牛一頭受田六

十畝限止四牛餘見通鑑

朱黼曰魏均田七十年矣至是復修其法魏制男子

十五以上受露田四十畝婦人二十畝齊則十八受田男八十畝婦人四十畝魏則奴婢依良人丁牛一

頭受田三十畝齊則受六十畝唐合而酌裁之下中之民受田一頃以十之八為口分二分為世業篤疾

減十之六寡妻妾減七夫周之百畝今四十一畝也以家五口歲耕而食之不見其不足今魏一夫一婦

則半倍唐一倍有半齊二倍之多牛者受田自倍奴婢餘丁無曾止法不幾於過多哉魏承劉石符姚喪

亂之後土田無主悉為公田除兼并大族外貧民往往無田可耕故文帝均田創法不易兩魏相攻齊周五篡牙遺黎民非復太和之舊矣故齊人立法從便使耕非平世制也

庚辰周百官初執笏

以周紀修

夏六月齊殺樂陵王百年

以呂

祖謙標目修

秋八月丁亥朔日有食之

以周紀修

九月丁巳周封

隴西公李昫為唐公

以朱熹綱目修

解題曰唐之業基於此

突厥寇齊冬十月周宇文護分三道伐齊

以呂祖謙標目修

十

一月陳克晉安陳寶應留異伏誅

以呂祖謙標目修

甲午周圍

洛陽甲辰齊敗周師于軹關周圍懸瓠十二月取豫永
二州齊主自晉陽赴洛陽壬戌齊太師段韶及并州刺
史蘭陵王長恭等大敗周師于邙山周師遁已巳以韶
為太宰長恭為尚書今司徒斛律光為太尉

修

以齊紀呂祖謙標目

解題曰按隋書地理志汝南郡城隍縣齊曰永州

陳世祖文帝天嘉六年
周武帝保定五年

後梁世宗皇帝天保四年
齊後主高緯天統元年

夏四月甲寅陳以安成王顓為司空

以呂祖謙標目修

辛酉慧

星見丙子齊太子緯即皇帝位於晉陽改元立妃斛律

氏為皇后尊齊主為太上皇帝以散騎常侍祖珽為祕

書監

以呂祖謙
標目修

五月突厥聘齊

以呂祖謙
標目修

六月庚申彗

星出

以周紀
齊紀修

秋七月辛巳朔日有食之

以周紀
陳紀修

陳周迪

伏誅

以呂祖謙
標目修

冬十月周宇文護殺中州刺史賀若敦

以通
鑑修

解題曰隋書地理志河南郡新安縣後周置中州即

通洛防

陳世祖文皇帝天康元年

後梁世宗皇帝天保五年

周武皇帝天和元年

齊後主天統二年

春正月己卯日有食之

以周紀修

癸未周改元

以周紀修

二月丙

子陳改元

以本紀修

夏四月癸酉陳主昺太子伯宗即皇帝

位尚書令揚州刺史安成王頊中書舍人劉師知尚書

僕射到仲舉受遺輔政五月庚寅頊自為司徒錄尚書

都督中外軍事

以通鑑及呂祖謙標目修

秋七月丁酉陳主立妃王

氏為皇后

以本紀修

是歲齊始用士人為縣令

以呂祖謙標目修

陳臨海王陳伯宗光大元年

後梁世宗皇帝天保六年

周武皇帝天和二年

齊後主天統三年

春正月癸酉朔日有食之

紀以周修

乙亥陳改元

紀以陳修

二月

陳劉師知到仲舉等謀出安成王頊不克見殺

以呂祖謙標目

修夏四月陳湘州刺史華皎叛附于周五月癸巳以丹

陽尹吳明徹為湘州刺史與征南大將軍淳于亮等討

之

以本紀修

六月周主尊母叱奴氏為皇太后

以通鑑修

辛巳齊

咸陽武王斛律金卒

以呂祖謙標目修

秋七月戊申陳立于至

澤為皇太子

以本紀修

九月周梁會華皎侵陳吳明徹大破

之于洸口皎奔梁陳別將取周軍于巴陵克周沔州

以呂

祖謙標
目修

解題曰沌口漢陽府漢陽縣界出江陵之建寧鎮皆
沌也

冬十一月戊戌朔日有食之紀以周修是時齊徙祖珽于光

州以通鑑修

解題曰隋書地理志東鄴郡舊置光州

陳臨海王光大二年後梁世宗皇帝天保七年春正
周武皇帝天和三年齊後主天統四年

月己亥陳安成王頊自為太傅領司徒加殊禮以本三紀修

月周納突厥女阿史那氏為后

以通鑑修

戊午周燕文公于

謹卒

以周紀通鑑修

陳吳明徹攻梁江陵尋退

以呂祖謙標目修

夏五

月癸卯齊中書監和士開為右僕射

以通鑑修

六月丁卯彗

星見

以本紀修

秋七月壬寅周隋公楊忠卒子堅襲爵

以通鑑修

解題曰隋之業基於此

八月齊周通和

以呂祖謙標目修

冬十一月壬辰朔日有食之

以周紀修

甲寅陳安成王瑱廢其主為臨海王尋殺始興王

伯茂

以呂祖謙標目修

十二月辛未齊上皇殂齊主自晉陽還

鄴丙子尊太上皇后為太后

以齊紀修

陳高宗皇帝陳頊大建元年

後梁世宗皇帝天保八年
齊後主天統五年

春正月甲午陳安成王頊即皇帝位改元立妃柳氏為

皇后世子叔寶為太子

以齊紀修

二月齊太尉趙郡王叡謀

出和士開不克見殺士開為侍中左僕射

以呂祖謙標目修

夏

齊以祖珽為海州刺史

以通鑑修

秋九月陳歐陽紇反冬十

月辛未遣車騎將軍章昭達討之

以本紀修

十二月周齊王

憲圍齊宜陽

以周紀通鑑修

周陳復通好

以呂祖謙標目修

陳高宗宣皇帝大建二年後梁世宗皇帝天保九年
周武皇帝天和五年齊後主武平元年

春正月乙酉朔齊改元以北齊齊太傅斛律光屢破周

軍二月己巳以為右丞相并州刺史以通鑑修陳歐陽紇伏

誅陽春太守馮僕母洗氏以功封石龍太夫人以呂祖謙標目

及朱熹綱目修三月丙午陳太后殂以本紀修夏四月乙卯陳弒臨

海王以陳紀修

解題曰通鑑不書闕也

秋七月甲寅齊中領軍和士開為尚書令淮陽王以通鑑修

陳司空章昭達攻梁江陵周救之乃還以通鑑修九月齊立

子恒為太子以通鑑修冬十月辛巳朔日有食之以周紀修十二

月周平越以呂祖謙標目修齊築汾北城周大司馬齊公憲

還救之以周紀修

陳高宗宣皇帝大建三年後梁中宗皇帝天保十年周武皇帝天和六年齊後主武平二年

春二月壬寅齊錄尚書事蘭陵王長恭為太尉趙彥深

為司空和士開錄尚書事以北齊紀修夏四月戊寅朔日有

食之以周紀修庚子周取齊宜陽等九城斛律光赴之以周紀修

六月齊取周汾州

以齊紀修

秋七月庚午齊太保琅邪王儼

殺和士開九月齊出趙彥深為兗州刺史以祖珽為侍

中儼見殺

以呂祖謙標目修

冬十月齊主幽其太后胡氏

以呂祖謙

標目修

十一月癸酉齊斛律光為左丞相

以通鑑修

陳高宗宣皇帝大建四年
周武帝建德元年

後梁中宗皇帝天保十一年
齊後主武平三年

春正月齊并省尚書令領軍大將軍高阿那肱侍中領
軍韓長鸞女侍中陸令萱及子穆提娑用事二月己卯

祖珽為左僕射

以通鑑齊紀修

解題曰李百藥曰甚哉齊末之嬖幸也蓋書契以降
未之有焉心利錐刀居台鼎之任智昏菽麥當機衡
之重刑殘閹宦蒼頭盧兒西域醜胡龜茲雜伎封王
者接武開府者比肩非直獨守弄臣且復多干朝政
賜予之費帑藏以虛杵軸之資剝掠將盡縱鼎龜之
祚卜世靈長屬此淫昏無不亡之理齊運短促固其
宜哉事見通鑑

三月癸卯朔日有食之

以周紀修

丙辰周宇文護及其子弟

黨與皆伏誅丁巳改元以周紀修夏四月庚寅周追尊略陽

公為孝閔皇帝

以通鑑修

癸巳周立子贇為太子

以呂祖謙標目修

六月齊殺丞相咸陽王斛律光併其子弟

以齊紀及呂祖謙標目修

解題曰按韓鳳傳即韓長鸞祖珽曾與鳳於後主前論事

珽語鳳云彊弓長稍容相推謝軍國謀算何由得爭

鳳云各出意見豈在文武優劣後主將誅斛律光

文未

作明鳳固執不從珽有讒言既誅光數日後主不與

語餘見通鑑

秋八月庚午齊廢其后斛律氏以蘭陵王長恭為大司

徒戊子立昭儀胡氏為后

以齊紀修

九月庚子朔日有食之

以周紀修

冬十月甲午齊立昭儀穆氏為右后

以齊紀修

十一月

周集東西諸軍而賜之

以呂祖謙標目修

閏十二月辛丑齊廢

其后胡氏

以齊紀修

是歲突厥木杆可汗死弟佗鉢可汗立

復分立東西二可汗

以呂祖謙標目修

陳高宗宣皇帝大建五年

周武皇帝建德二年

後梁中宗皇帝天保十二年

春正月戊寅齊高阿那肱錄尚書事

以朱熹綱目修

二月乙巳

齊立右后穆氏為皇后

以呂祖謙
標目修

丙午齊祖珽奏置文

林館

以呂祖謙
標目修

三月壬午陳遣將軍吳明徹都督諸軍

伐齊

以本
紀修

夏四月戊申齊蘭陵王長恭為太保開府宜

陽王趙彥深為司空

以通
鑑修

辛酉陳吳明徹大破齊師于

呂梁齊使侍中巴陵郡王王琳赴壽陽五月陳取齊廬

江歷陽合肥

以本
紀修

齊陸今瑩等出祖珽為北徐州刺史

以呂祖謙
標目修

齊殺蘭陵王長恭

以呂祖謙
標目修

六月庚戌陳取

齊沐陽淮陽郡

以通
鑑修

齊主遊南苑殺從官六十人以高

阿那肱為司徒

以本紀
通鑑修

陳克齊涇合仁三州

以通
鑑修

解題曰按通典揚州天長縣齊於石梁置涇州隋書

地理志彭城郡蘄縣後齊置仁州

秋七月陳敗齊師于巴蘄八月降山陽盱眙城九月甲

子降陽平城甲戌降齊安城丙子克廣陵城

以本紀
通鑑修

解題曰隋書地理志黃州黃岡縣後齊曰巴州

壬午周納大將軍楊堅女為太子賚妃

以呂祖謙
標目修

冬十

月辛丑齊侍中崔季舒等諫齊主如晉陽見殺

以紀
傳修齊

行臺僕射皮景和救壽陽不進乙巳陳吳明徹攻拔之

殺王琳景和走丙辰以明徹都督豫合等州軍事豫州

刺史十一月巳丑克北徐州以木紀修十二月齊以高阿那

肱為右丞相以齊紀修乙未齊譙城降陳復江北之地以呂祖謙

修標目

陳高宗宣皇帝大建六年後梁中宗皇帝天保十三年
周武皇帝建德三年齊後主武平五年

春周進大冢宰齊公憲等十三人爵為王以呂祖謙標目修二

月壬辰朔日有食之以本紀修齊朔州行臺南安王思好反

伏誅

以北齊紀修

三月癸酉周太后叱奴氏殂周主行三年

之喪

以呂祖謙標目修

解題曰胡寅曰自漢文短喪之後能斷然行三年者惟晉武帝魏孝文周高祖可謂難得矣然春秋之義責備賢者晉武既為裴杜所惑行禮不備魏孝文之禮若備矣而服非所服周高祖哀麻苦塊卒三年之制最為賢行然推明通喪止於五服之內不及羣臣非所以教天下著於君臣之義也而又在喪頻出遊

幸無門庭之寇興師伐隣皆禮所不得為者由高祖
不學左右無稽古之臣以輔成之也事見通鑑

夏四月庚子彗星見

以本紀修

齊以婢馮氏為淑妃

以通鑑修

月丙子周廢佛道教淫祀

以呂祖謙標目修

六月壬子周更鑄

當十大布錢

以周紀修

戊午周立通道觀

以周紀修

秋七月乙酉

周大司徒衛王直反八月伏誅

以周紀修

陳高宗宣皇帝大建七年

後梁中宗皇帝天保十四年齊後主武平六年

春二月丙戌朔日有食之

以周紀修

戊申陳克齊下邳等城

以通鑑修

三月周聘齊齊人留之

以周紀傳修

秋七月丁丑周主

大舉伐齊八月丁未拔河陰大城攻金墉不克九月乃

有疾而還

以呂祖謙標目修

齊以趙彥深為司徒

以齊紀修

閏九月

陳吳明徹攻彭城壬辰敗齊師于呂梁

以本紀修

齊稅關市

舟車山澤鹽鐵店肆

以北齊紀修

解題曰按隋志武平之後權幸並進賜予無限加之

旱蝗國用轉屈乃料六等富人調今出錢而給事黃

門侍郎顏之推奏請立關市邸店之稅開府鄧長顥

贊成之後主大悅於是以其所入供御府聲色之費未幾而亡鄧長顓不足道也顏之推世之所謂儒者亦復逢君之惡他何責焉

冬十二月辛亥朔日有食之

以周紀修

陳高宗宣皇帝大建八年
周武皇帝建德五年

後梁中宗皇帝天保十五年
齊後主隆化元年

春二月齊括雜戶女未嫁者以通鑑修壬申陳開府吳明徹

為司空

以本紀修

夏六月戊申朔日有食之

以周紀修

陳戶部尚

書江總為太子詹事

以呂祖謙標目修

庚申齊宜陽王趙彥深

卒以呂祖謙標目修秋八月丁卯陳吳明徹為南充州刺史以通

鑑修齊主如晉陽以通鑑修冬十月己酉周主伐齊癸酉克晉

州十一月還齊主攻晉州丁酉周主復伐齊十二月齊

師潰齊主奔晉陽丁巳改元奔鄴穆提婆降周陸令萱

自殺戊午晉陽人立相國并州刺史安德王延宗為帝

改元德昌辛酉周拔之以周齊紀及呂祖謙標目修

大事記續編卷四十四

欽定四庫全書

大事記續編卷四十五

明 王禕 撰

陳高宗宣皇帝大建九年
周武皇帝建德六年

後梁中宗皇帝天保十六年
齊後主高恒承光元年

春正月乙亥朔齊主傳位於太子恒改元甲午周主入

鄴乙未齊幼主傳位於大丞相任城王潛父子將奔陳

高阿那肱召周師追獲之齊滅

以呂祖謙
標目修

解題曰北齊自文宣帝而至後主五世通幼主恒為

六世凡二十八年按通典後魏起自陰山盡有中夏

明帝正光以前時惟全盛戶口之數比晉太康倍而

餘矣

晉太康平吳後大凡戶二百四十五萬九千八百今倍而餘則戶有五百餘萬矣

及爾

朱之亂政移臣下遂分為東西二國戰爭不息官司

文簿又多散棄今按舊史戶三百三十七萬五千三

百六十八北齊承魏末喪亂雖開拓淮南而郡縣徧

小文宣暴虐而能委政宰輔十數年間亦稱為理及

為周所滅有戶三百二萬二千五百二十八口二千

萬六千八百八十

二月齊任城王湣太宰廣寧王孝珩起兵冀州周齊王

憲擒之齊北朔州前長史迎定州刺史范陽王紹義起

兵敗奔突厥

以周紀及呂祖謙標目修

梁主朝周主于鄴

以通鑑修

乙卯

周主還

以周紀修

三月壬午周舉山東明經幹治者

以周紀修

夏

四月戊申周以高緯為溫公

以周紀修

六月周主東巡

通鑑秋

七月周舉山東有才者

以周紀修

八月壬寅周頒權衡度量

以周紀修周放雜戶為民

以呂祖謙標目修

九月戊寅周制衣禁

以呂

以周紀修祖謙標

冬十月陳吳明徹攻周彭城戊午破徐州總管

梁士彥

以本紀修

解題曰按陳書列傳高宗銳意河南以為指麾可定
通直散騎常侍蔡景歷諫稱師老將驕不宜過窮遠
畧高宗惡其沮衆大怒又問五兵尚書毛喜曰我欲
進兵彭汴於卿意如何對曰淮左新平邊氓未乂周
氏始吞齊國難與爭鋒豈宜以弊卒疲兵復加深入
且棄舟楫之工踐車騎之地去長就短非吾所便不
若安民保境寢兵復約然後廣募英竒順時而動斯

久長之術也不從餘見通鑑葉適曰明徹初北出疑沮滿朝後爭取河南乃無以為不可蓋畏怯於未形奮迅於已驗常人之情無不然景歷之言非止小事乃江左三百年興亡所係也

周族誅高緯殺穆提婆等

以呂祖謙
標目修

解題曰按北齊書紀傳周武帝以提婆為柱國宜州刺史建國七年云將據州起兵與後主相應誅死高阿那肱至長安授大將軍封公為隆州刺史大象末

在蜀從王謙起兵誅死韓長鸞仕隋位終於隴州刺史

十一月周遣上大將軍王軌救彭城以周紀修周稽胡反討

平之以周紀修

解題曰見魏孝明帝孝昌元年山胡解題

周滅妃嬪之數以周紀修己亥晦日有食之以周紀修周初行刑

書要制以周紀修十二月周徙并州四萬戶於關中以周紀修齊

北營州刺史高寶寧請高紹義稱帝從之改元武平以通

修鑑

解題曰宋庠紀年通譜武平乃其本朝武成帝之年
再用之者將有意耶抑亂亡之無法耶

陳高宗宣皇帝大建十年 後梁中宗皇帝天保十七年
周武皇帝宣政元年

春二月周王軌據淮口吳明徹遁軍潰見執

以陳周
紀傳修

解題曰按周史列傳達奚長儒與王軌圍明徹於呂
梁陳援軍至軌令長儒拒之長儒取車輪數百繫以
大石沈之清水連轂相次以待之艦礙輪不得進長

儒縱竒兵大破之獲明徹餘見通鑑

清水見晉太寧二年泗口解題

葉適曰江左自劉裕後未有明徹之功所以能然者
乘齊政亂也及齊滅而周人方銳明徹不量時度力
輕棄根本貪進無繼豈惟已得復失敗棄前功而南
北兩立之勢自此不完不然叔寶未遽亡也

三月甲戌周主初服常冠

以周紀修

解題曰胡寅曰周家紗襪此後世巾幘朝冠之所自
始也紗襪既行諸冠漸廢紗而用漆為兩帶上結兩

帶後垂唐以來則然矣此四脚之變也其後則又以其垂者左右橫之而其頂則起後平前方為六角稽之法象果何所則求之意義果何所據然而行之數百年莫有以為非也治天下莫大於禮必欲盡善其必放古而立制夫亦何獨冠為然哉

沈括曰幘頭一謂之四脚乃四

帶也亦謂之折上巾唐制唯人主得用硬脚晚唐方鎮擅命始僭用硬脚

壬辰周改元

以周紀修

夏四月壬子周今遭喪者聽終制

以周

紀修

五月己丑周主伐突厥有疾而還六月丁酉朔殂戊

成太子贊即皇帝位尊皇后為皇太后以吏部下大夫
鄭譯為開府儀同大將軍委以朝政甲子殺齊王憲閏
月乙亥立妃楊氏為皇后秋七月壬戌以亳州總管楊

堅為上柱國大司馬

以通鑑及呂祖謙標目修

解題曰唐勳級自武騎尉十二轉而上柱國前代
皆為正官自宇文高齊日尋干戈始於正官外加勳
官以寵軍功後遂及文臣普加之

是歲周以太師蜀公尉遲迥為相州總管

以周紀修周權鹽

酒以隋食貨志修

解題曰按隋食貨志周末官置酒場收利鹽池鹽井皆禁百姓採用今載於孝靜帝即位之初

陳高宗宣皇帝大建十一年周孝靜帝宇文闡大象元年

後梁中宗皇帝天保十八年

春正月癸巳周王始服漢衣冠改元大成置四輔

以周紀修

戊午周立于魯王闡為太子

以呂祖謙標目修

二月周以洛陽

為東京治洛陽宮

以周紀修

解題曰按周書洛陽宮殿雖未成畢其規摹壯麗逾

於漢魏遠矣

周主殺徐州總管王軌司衛上大夫宇文孝伯等

以呂祖謙

標目修

周以趙王招女妻突厥

以呂祖謙標目修

辛巳周主傳位

於太子闡改元自稱天元皇帝

以呂祖謙標目修

夏五月陳初

用大貨六銖錢

以陳紀修

周遣趙王招陳王純越王盛代王

達滕王迥之國

以呂祖謙標目修

秋七月周天元帝立四后

以周

紀修

八月周行刑經聖制法益深矣

以周紀修

九月周遣大司

空鄖公韋孝寬為行軍元帥侵陳

以呂祖謙標目修

解題曰李繪曰晉作三軍謀元帥雖有元帥之稱而非官名元帥之名始於周事見通鑑

冬十月壬戌周復佛老像

以呂祖謙標目修

十一月周取陳壽

陽黃城廣陵

以周紀修

解題曰江北要害在此三城故孝寬等三將自攻之取三城而江北舉矣水經注柴水又東逕黃城西今黃州黃陂縣

周鑄當千錢與五行大布並行

以周紀修

十二月周初作乞

寒胡戲

以周紀修

解題曰通典乞寒者西蕃之樂也

唐張說諫曰揮水投泥失容斯甚裸

體跳足盛德何觀徐錯方輿記庭州車師後王庭發汗胡國即古渠搜國高宗朝此國進發汗胡戲

陳江北三州九郡之民還江南周取其地

以舉要歷補遺修

解題曰江北之復僅六年爾而遽失之按周書列傳

初韋孝寬到淮南所在皆密送誠款然彼五門尤為

險要陳人若開放塘水即津濟路絕孝寬遽令分據

守之陳刺史吳文立果遣決堰已無及於是陳人退

走江北悉平餘見通鑑

陳高宗宣皇帝大建十二年
周孝靜皇帝大象二年

後梁中宗皇帝天保十九年

春正月乙卯周稅入市者人一錢

以呂祖謙
標目修

三月周大

司徒行軍總管杞公亮反襲韋孝寬不克戊子伏誅

以周

紀修周天元帝立五后

以呂祖謙
標目修

夏五月乙未周天元帝

殂御正下大夫劉昉內史上大夫鄭譯等矯詔以前大

疑楊堅總知中外兵馬事御正中大夫顏之儀請召趙

王招不克堅徵趙陳越代滕五王丁未堅自為左丞相

假黃鉞以鄭譯為相府長史劉昉為司馬內史下大夫

高頴為司錄行寬政罷入市稅錢

以周紀
傳修

解題曰按隋書列傳鄭譯劉昉謀引高祖入受顧託

既而譯宣詔文武百官皆受高祖節度時顏之儀與

宦者謀引大將軍宇文仲輔政仲已至御座譯知之

遽率開府楊惠及劉昉皇甫績柳裘俱入仲與之儀

見譯等愕然遂巡欲出高祖因執之周史列傳宣帝

崩文帝入禁中將總朝政令子勇召滕王瓚瓚素與

帝不協不從曰作隋國公恐不能保何乃更為族滅

事邪餘見通鑑

北史列傳開皇中蔡王智積將葬尉太妃帝曰我有同生二弟並侍婦家

勢常憎嫉我醫師邊隱逐勢言我後百日當病癩二弟私意喜以告父母父母泣謂我曰爾二弟大劇不能愛兄我因言一日有天下當改其姓為悖父母許我此言及母亡後二弟及婦又讒我言於晉公蓋堅萌不軌之志久矣沉假之以篡竊之機便耶

六月庚申周復佛道二教

以呂祖謙標目修

周尉遲迴起兵討

楊堅堅遣行軍元帥韋孝寬將關中兵擊之

以呂祖謙標目修

周楊堅殺畢王賢

以周紀修

突厥執高紹義送于周

以呂祖謙標目

修秋七月青州總管尉遲勤榮州刺史宇文冑皆應尉

遲迴周遣清河公楊素擊冑丁未楊堅自加都督中外

軍事己酉鄆州總管司馬消難應尉遲迴周以柱國王

誼為行軍元帥擊之

以呂祖謙
標目修

解題曰隋書地理志滎陽郡汜水縣後周置滎州鄆

州宋德安府

壬子周楊堅殺趙王招越王盛

以呂祖謙
標目修

司馬消難以

九州八鎮降陳

以本
紀修

八月益州總管王謙舉兵周以柱

國梁睿為行軍元帥擊之以呂祖謙標目修庚午周韋孝寬破

尉遲迴於鄴迴死之以周紀修司馬消難奔陳以呂祖謙標目修周

宇文胄敗死以通鑑修九月周楊堅以其世子勇為洛州總

管統舊齊之地以通鑑修壬子周楊堅自為大丞相以周紀修冬

十月甲寅日有食之以周紀修周楊堅殺陳王純以呂祖謙標目修

周王謙敗死以呂祖謙標目修十一月周鄖襄公韋孝寬卒以周

以周紀修十二月周詔諸改姓者悉復舊以通鑑修甲子周楊堅自

為相國隋王加殊禮九錫以周紀修辛巳周隋王堅殺代王

達滕王道

紀以周
修

卷四十五

大事記續編卷四十五

欽定四庫全書

大事記續編卷四十六

明 王禕 撰

陳高宗宣皇帝大建十三年 後梁中宗皇帝天保二十年
隋高祖文皇帝楊堅開皇元年

春正月壬午周改元大定以周紀修春二月甲子周隋王堅

自稱皇帝改元除周六官置三師三公省臺寺府勳散

官相國司馬高頴為左僕射兼納言相國內郎李德林

為內史令乙丑追尊考妣為帝后丙寅立王后獨孤氏

為皇后世子勇為皇太子己巳廢其主為介公尋滅宇

文氏

以隋紀呂祖謙標目修

解題曰葉適曰易周氏官儀依漢魏之舊篡位第一事也雖庸詔相遇知在掃滅前迹亦由苟慕虛名人情不順有以使之矣胡寅曰虞慶則請除宇文氏非惟逢迎隋主忌克之心亦習聞前世弊風以為故常爾李德林正言而不見信者國移君廢已無仗節死難之義而欲全彼破亡之宗宜隋主之忽其言也若乃以書生斥之云者猾胥險吏固疾儒士此則楊堅

之本態也隋之所以亡國者有二焉一曰隋文以胥吏治國二曰獨孤氏以妬忌治家如是而已餘見通鑑

隋前開府儀同三司蘇威為太子少保

以列傳修

丁丑隋晉

王廣為并州總管

以通鑑修

三月戊子隋上開府賀若弼為

吳州總管和州刺史韓擒虎為廬州總管

以呂祖謙標目修

解題曰隋書地理志後周改南兗州為吳州

戊戌隋蘇威兼納言度支尚書與高穎參掌朝政威奏

減簡賦役

以呂祖謙
標目修

夏四月隋放散樂禁雜戲

以隋
紀修

月隋弒介公

以呂祖謙
標目修

秋八月吐谷渾寇隋涼州隋敗

之

以隋
紀修

九月庚午陳取隋胡野

以呂祖謙
標目修

解題曰胡野在滁州來安縣本紀作胡野通鑑作故

野而明年正月又書歸胡野可見其誤

辛未隋蜀王秀為益州總管

以呂祖謙
標目修

壬申隋遣高頴

侵陳

以呂祖謙
標目修

隋鑄五銖錢悉禁古錢及私錢

以本
紀修

上柱國鄭譯除名

以通
鑑修

隋定律冬十月行之

以呂祖謙
標目修

十一月隋聘陳

以隋紀修

是歲隋聽民出家賦錢營佛像書

以朱熹

綱目修

解題曰韋述兩京記曰隋文帝承周武之後大崇釋

氏以收人望

隋褒廉吏以岐州刺史梁彥光為相州刺史相州刺史

樊叔畧為大司農新豐今房恭懿累遷德州司馬

以通鑑修

隋太子左庶子盧賁柱國劉昉除名

以呂祖謙標目修

突厥佗

鉢可汗死沙鉢畧可汗立與高寶寧伐隋

以呂祖謙標目修

陳高宗皇帝大建十四年
隋高祖文皇帝開皇二年

後梁中宗皇帝天保二十一年

春正月甲寅陳主殂揚州刺史始與王叔陵反伏誅丁

巳太子叔寶即皇帝位

以本紀修

解題曰按陳書本紀陳主以二月葬顯寧陵通鑑書
於明年

隋以晉王廣秦王俊蜀王秀為河北河南西南行臺尚

書今

以呂祖謙標
目及隋紀修

解題曰隋書列傳高祖初即位每懲周世諸侯微弱

以致滅亡由是分王諸子權侷王室以為磐石之固

餘見通鑑

通典魏末司馬昭討諸葛誕散騎常侍裴秀等以行臺從晉永嘉東海王越帥衆許

昌以行臺自隨後魏謂之尚書大行臺別置官屬北齊行臺兼統民事其官置今僕其尚書丞郎皆隨時權置江左唯梁末以侯景為河南王大行臺隋謂之行臺省有尚書今僕各一人有考功禮部膳部兵部駕部刑部庫部度支金部工部屯田侍郎各一人

陳以長沙王叔堅為驃騎將軍開府揚州刺史

以通鑑修陳

尊皇后為皇太后

以本紀修

戊辰陳歸胡野以和隋

以稽古錄修

己巳陳立妃沈氏為皇后

以本紀修

二月己丑隋以不伐喪

高頴退師

以呂祖謙
標目修

夏四月丙申陳立子胤為皇太子

以本
紀修

五月己未高寶寧以突厥五可汗之兵伐隋

以隋
紀修

六月甲申隋遣使弔陳

以通
鑑修

隋敗突厥

以隋
紀修

丙申隋作

長安新都

以本
紀修

解題曰按隋志京兆大興縣舊曰萬年高祖封號大

興故改焉城東西十八里一百一十五步南北十五

里三百七十五步東面通化春明延興三門南面啓

夏明德安化三門西面延平金光開遠三門北面光

化一門里一百六市二新唐志前直子午谷後枕龍

首山左臨灞岸右抵澧水程大昌曰秦孝公都咸陽

正渭北漢都長安在渭南咸陽之東南也隋都又在

漢城東南十三里

石定叟曰隋建新都雖不能盡循先王之法度然畦分碁布里有門

門有墉逋亡姦偽無所容足而朝廷宮寺民居市區井井有條唐因之以為治數百年間不能有改

秋七月陳自京口至荊州江水如血八月癸未夜天有

聲如風水相擊乙酉夜亦如之

以本紀修

解題曰葉適曰天地示變蓋江東之事盡矣

九月陳主設大會捨身

以本紀修

冬十月癸酉隋太子勇屯

咸陽以備突厥

以本紀修

陳長城煬公陳叔寶至德元年
隋高祖文皇帝開皇三年

後梁中宗皇帝天保二十年

春正月壬寅陳改元

以本紀修

陳出長沙王叔堅為江州刺

史

以呂祖謙
標目修

解題曰陳史上陰令人造其厭媚又令人告之餘見

通鑑

二月己巳朔日有食之

以隋紀修

陳聘隋

以隋紀修

三月丙辰隋

遷于新都

以通鑑修

隋減役調罷榷酒鹽

以呂祖謙標目修

解題曰隋食貨志帝入新宮初令軍人以二十成丁

減十二番每歲為二十日役減調絹一疋為二丈先

是尚依周末之弊置酒坊鹽池鹽井皆禁至是罷與

百姓共之遠近大悅夫榷酒鹽者後周末年之政然

則苟未至於大不得已固未忍出於此也故隋文汲

汲而弛之後世乃奪民衣食之奉以為經常之法而

不可變蓋亦少思哉

朱黼曰古者發民而興作番民而徒衛與調民而征守皆謂之

役役與調非二事周官均人豐年則公旬用三日每丁以四十歲計之則一生在官之日不過百二十日而已秦制月為更卒已復為正一歲屯戍一歲力役三十倍於古漢興有三更之法魏晉而下於役之外復有調是再役也後周置司均豐年旬不役者調絹一疋是十倍也隋減為二十日役調絹減半是猶六倍也至唐因之不役則收其庸日三尺是一歲之庸一疋有半不幾於十倍乎

隋求遺書

以隋紀修

夏四月隋八道伐突厥已卯大破之于

白道擊高寶寧寶寧奔磧北尋奔契丹死

以隋紀通鑑修

己丑

陳郢州降隋隋不納遣使聘陳自是不絕

以呂祖謙標目修

隋

左右僕射分判六部

以呂祖謙標目修

解題曰唐德宗欲令軍旅糧儲事李泌主之吏禮委張延賞刑法委柳渾李泌曰宰相之職不可分也非如給事則有吏過兵過舍人則有六押至於宰相天下之事咸共平章若各有所主是乃有司非宰相也帝笑而止隋高祖方以胥吏之習為治故不足與語治體也事見通鑑

五月隋秦州總管竇榮定破突厥阿婆可汗沙鉢略可汗與阿波連兵各求援於隋

以隋紀通鑑修

秋八月丁卯朔日

有食之

以通鑑
考異修

解題曰通鑑考異曰隋紀作七月丁卯蓋厯差

冬十月隋廢河南道行臺

以呂祖謙
標目修

十一月隋罷郡為

州

以呂祖謙
標目修

解題曰通典初齊制州為上中下三等每等又有上中下之差凡九等隋州置刺史亦同九等之制總管刺史加使持節至罷郡以州統縣自是刺史之名存而職廢後雖有刺史皆太守之互名理一郡而已

按魏置使持節寵奉使官之任隋氏廢郡以刺史牧人既非使官則合罷持節之稱其時不以為意後改太守亦復不省使持節之名及於邊遠小郡

十二月隋復刪律

以呂祖謙
標目修

解題曰葉適曰自高叡等上齊律當時稱其法令明審科條簡要而齊人多曉法律者至高頴造隋律蘇威牛弘再定然皆本於齊也由唐及今雖有增損然皆本於隋也

是歲隋置沿河倉漕粟給長安

以通鑑
目錄修

隋治書侍御史

柳或論煩碎

以呂祖謙
標目修

陳長城煬公至德二年

後梁中宗皇帝天保二十三年

隋高祖文皇帝開皇四年

以隋紀修

春正月甲子朔日有食之

以隋紀修

梁主朝於隋

隋頒張賓歷

以隋紀修

二月突厥達頭可汗降於隋

以隋紀修

夏

五月陳吏部尚書江總為尚書僕射

以本紀修

六月隋鑿渭

水至潼關

以隋紀修

秋八月乙卯陳將軍夏侯苗降隋隋不

納

以稽古錄修

隋關中饑九月甲戌隋主如洛陽

以呂祖謙標目修

謙

隋禁詞華

以呂祖謙標目修

突厥沙鉢略可汗請和于隋

以呂祖謙

標目 是歲陳起臨春結綺望僊閣中書舍人沈客卿責

關市之稅以給之陳主與江總及都官尚書孔範散騎

常侍王瑳日事遊宴

以呂祖謙標目修

陳長城煬公至德三年後梁中宗皇帝天保二十四年隋高祖文皇帝開皇五年

春正月戊午朔日有食之

陳紀

戊辰隋頒五禮

以隋紀修

三月

戊申隋主還長安

以隋紀修

夏五月甲申隋閱戶口置義倉

作輸籍法

以通鑑通典修

解題曰杜佑曰時承西魏喪亂周齊分據賦重役勤

人不堪命多依豪室姦偽允滋高頰覩流冗之病建

輸籍之法定其名輕其數使人知為浮客被強家收

大半之賦為編氓奉上蒙輕賦之征

浮客謂避公稅依強家作佃客

也 蒸庶懷惠姦無所容隋氏資儲遍於天下頰之力

馬事見通鑑

程大昌曰頰之法立為籍樣頰下諸州今縣今依樣定戶則既無詭隱矣浮客

避公稅依強家作佃者頰軌輕公田之賦以致之人知浮客則為強家佃客而強家收大半之賦不如為

編氓奉公上則蒙輕減之征故爭去私佃而趨公田

梁主殂太子琮即位

以呂祖謙標目修

阿波可汗別為西突厥

隋遣使撫之

以呂祖謙
標目修

秋八月突厥居漠南

以通鑑修九月

陳侵隋

以隋紀修

冬十月壬辰隋以上柱國楊素為信州總

管

以呂祖謙
標目修

陳殺中書通事舍人傅縡

以呂祖謙
標目修

陳長城煬公至德四年

隋高祖文皇帝開皇六年
後梁帝蕭琮廣運元年

春正

月梁改元

以呂祖謙
標目修

二月隋始令刺史上佐歲暮上課

以隋紀修

隋築長城

以隋紀修

解題曰隋書列傳令司農少卿崔仲方發丁三萬於

朔方靈武築長城東至黃河西距綏州南至勃出嶺

周地圖記郁郅城今名尉季城在白馬嶺西川交口
水經注尉季亦曰不窟疑郁郅之訛勃出又疑不窟

之訛按案字
志在今慶州 綿亘七百里明年上復令發丁十五萬

於朔方已東緣邊險要築數十城以遏胡寇
李吉甫元和郡

縣志開皇長城西自代州繁峙縣經縣北七十里東
入飛狐縣界又起嵐州合河縣北東經幽州延袤千

餘里十六年因古跡修築紀
傳並條開皇六年十字衍文

秋閏八月丁卯隋太子勇鎮洛陽
以稽古錄修 隋上柱國梁

士彥字文忻柱國劉昉皆伏誅
以隋紀修 冬十月癸丑隋以

秦王俊為山南行臺尚書令
以呂祖謙標目修

陳長城煬公禎明元年後梁帝蕭琮廣運二年春正
隋高祖文皇帝開皇七年

月戊寅陳改元

以本紀修

乙未隋制諸州歲貢士三人

以通鑑修

二月隋築長城

以隋紀修

夏四月隋開山陽瀆

以隋紀修

解題曰寰宇記舊水道屈曲多諸梁埭隋文帝重加

修掘通利焉

水經注淮陰縣城西北二里有公路浦又東逕淮陰縣故城北臨淮水縣有中

瀆水首受江水於廣陵郡之江都縣昔吳築邗城掘深溝謂之邗江亦曰邗溟溝通射陽湖所謂築水也又中瀆水自廣陵北出武廣湖東陸陽湖西下注樊梁湖舊道東北至傳芝射陽二湖餘見大建元年解題

五月乙亥朔日有食之

以隋紀修

秋八月隋徵梁主入朝以

兵戍之九月梁安平王巖等以江陵戶口降陳隋封梁

主為莒公

以呂祖謙標目修

是時陳臨平湖自開

以通鑑修

陳殺大

市今章華

以呂祖謙標目修

突厥沙鉢略可汗死其弟處羅暉

立為莫何可汗擊阿波擒之

以呂祖謙標目修

陳長城煬公禎明二年隋高祖文帝開皇八年

春正月陳遣散騎常侍周羅

暉屯峽口

以陳紀修

解題曰通典注隋軍來伐戚欣守狼尾灘

宜都縣界

將仲

肅據荆門亦宜都界顧覺鎮安蜀城亦夷陵界陳紀鎮公安巴

陵已下風靡退散餘見通鑑

二月陳侵隋以陳紀修夏五月陳廢太子胤為吳興王立始

安王深為太子以呂祖謙標目修冬十月己未隋以晉王廣為


淮南行省尚書令甲子廣及秦王俊清河公楊素為行

軍元帥伐陳高頴為晉王元帥長史以隋紀通鑑修十二月突

厥莫何可汗死都藍可汗立以呂祖謙標目修楊素水軍東下

陳中書舍人施文慶等不以聞將軍樊毅請備京口采

石不納以呂祖謙
標目修



大事記續編卷四十六